

**BOSNA I HERCEGOVINA
FEDERACIJA BOSNE I HERCEGOVINE
ZENIČKO-DOBOJSKI KANTON
KANTONALNO TUŽILAŠTVO
ZENIČKO-DOBOJSKOG KANTONA**

**Broj: T04 0 KT 0059418 24
Zenica, 21.01.2025. godine**

**OPĆINSKOM SUDU U VISOKOM
-Sudiji za prethodno saslušanje-
ZENICA**

Na osnovu člana 45. stav 2. tačke i) u vezi sa članom 241. stav 1. Zakona o krivičnom postupku Federacije Bosne i Hercegovine ("Službene novine Federacije Bosne i Hercegovine", broj: 35/03, 37/03 ... 74/20, u daljem tekstu "ZKP F BiH"), podižem

O P T U Ž N I C U

Protiv:

E. K., osuđivan¹,

što je:

dana 05.07.2024. godine, oko 12,50 sati, grubim vrijeđanjem, zlostavljanjem drugog te bezobzirnim ponašanjem ugrozio građanski mir tako što je, u prilikama kada je upravljao putničkim motornim vozilom marke „Mercedes“, crne boje, na regionalnom putu u mjestu P., općina B., a nakon što je izvršio radnju preticanja više vozila pokušao u istoj radnji preticanja

¹ Evidentirane presude u kaznenoj evidenciji: **1.** Presuda, broj: ... (pravosnažna dana 15.05.2002. godine), Općinski sud u V., – krivično djelo iz člana 204. stav 2. KZ SFRJ (preuzet), kazna zatvora u trajanju od 3 (tri) mjeseca, **2.** Presuda, broj: ... od 25.12.2007. godine (pravosnažna dana 18.02.2008. godine), Općinski sud u V., produženo krivično djelo Teška krađa iz člana 287. stav 1. tačka a) u vezi sa članom 31. i 55. KZ F BiH (kazna zatvora u trajanju 7 /sedam/ mjeseci), **3.** Presuda, broj: ... od 07.04.2008. godine (pravosnažna dana 18.02.2008. godine), Općinski sud u V., krivično djelo Teška krađa iz člana 287. stav 1. tačka a) u vezi sa članom 31. KZ F BiH (jedinstvena kazna zatvora u trajanju 1 /jedne/ godine), **4.** Presuda, broj: ... (pravosnažna dana 27.06.2008. godine), Općinski sud u V., produženo krivično djelo Krađa iz člana 286. stav 1. u vezi sa članom 31. i 55. KZ F BiH (kazna zatvora u trajanju 2 /dva/ mjeseca), **5.** Presuda, broj: ... od 26.05.2008. godine (pravosnažna dana 06.11.2008. godine), Općinski sud u V., krivično djelo Nasilničko ponašanje iz člana 362. stav 1. i član 362. stav 2. u vezi sa stavom 1. i članom 31. KZ F BiH (kazna zatvora u trajanju 7 /sedam/ mjeseci) **6.** Presuda, broj: ... od 05.01.20011. godine (pravosnažna dana 05.01.2011. godine), Općinski sud u S., krivično djelo Iznuda iz člana 295. stav 2. u vezi sa članom 31. KZ F BiH (kazna zatvora u trajanju 1 /jedne/ godine), **7.** Presuda, broj: ...od 15.03.2011. godine (pravosnažna dana 07.04.2011. godine), Općinski sud u L., krivično djelo Sprečavanje službene osobe u obavljanju službene radnje iz člana 335. stav 3. u vezi sa stavom 1. ranijeg KZ F BiH (uslovna kazna zatvora u trajanju 6 /šest/ mjeseci sa rokom provjeravanja u trajanju od 2 /dvije/ godine), **8.** Presuda, broj: ... od 03.03.2014. godine (pravosnažna dana 24.07.2014. godine), Općinski sud u V., krivično djelo Ugrožavanje sigurnosti iz člana 183. stav 1. KZ F BiH (kazna zatvora u trajanju 2 /dva/ mjeseca), **9.** Presuda, broj: ...od 17.12.2014. godine (pravosnažna dana 08.04.2016. GODINE), Kantonalni sud u Z., krivično djelo Silovanje iz člana 203. stav 5. u vezi sa stavom 1. KZ F BiH (jedinstvena kazna zatvora u trajanju 4 /četiri/ godine), **10.** Presuda, broj: ... od 27.01.2016. godine (pravosnažna dana 30.04.2016. godine), Općinski sud u V., krivično djelo Učestvovanje u tuči iz člana 174. u vezi sa članom 31. KZ F BiH (uslovna kazna zatvora u trajanju 1/jedne/ godine i /šest/ mjeseci sa rokom provjeravanja u trajanju od 4/četiri/ godine)

da se svojim vozilom ubaci u kolovoznu traku ispred vozila kojim je upravljao H. A., kojeg je, u daljem toku vožnje, sustigao te zaustavio svoje vozilo na način da je onemogućio dalje kretanje vozila kojim je upravljao H. A., a time i kretanje drugih vozila u toj kolovoznoj traci, nakon čega je izašao iz svog vozila, zatim uzeo iz prtljažnika drvenu šipku tzv. „štilo“, te prišao vozilu u kojem se nalazio H. A. kojem se, agresivnim i prijetećim stavom, mašući štilom prema njegovom vozilu, obratio psujući mu porodicu te govoreći „*J* ti majku, j* ti porodicu, hoćeš da te saterem, šta glumiš mangupa mogao si me dole udariti, j* ti majku šta gledaš*“ nakon čega je, prema istom, kroz prozor koji je bio djelimično otvoren pokušao ugurati drvenu šipku – „štilo“, a zatim pljunuo istog te se, nastavljajući sa uvredama, udaljio sa mjesta događaja svjestan da ovakvim svojim ponašanjem i to vrijeđanjem, zlostavljanjem te bezobzirnim ponašanjem narušava građanski mir H. A. kao i drugih učesnika u saobraćaju koja su se zatekla na mjestu događaja, što je i htio,

dakle, grubim vrijeđanjem, zlostavljanjem drugog te bezobzirnim ponašanjem prema drugom ugrozio građanski mir,

čime je počinio krivično djelo Nasilničko ponašanje iz člana 362. stav 1. Krivičnog zakona Federacije Bosne i Hercegovine ("Službene novine Federacije Bosne i Hercegovine", broj: 36/2003, 21/2004, ... , 31/2023, u daljem tekstu "KZ F BiH")